

武

夷

山

志

武夷山志卷之十七

武夷董天工典齋編彙男勅撰

名賢下

尋勝

陳

顧野王字希馮吳人陳天嘉中爲光祿卿奉使來閩至武夷嘆曰千巖競秀萬壑爭流美哉河山眞人世所希觀也遂卜居崇安焉平生操履端嚴學問淹貫嘗撰建安記玉篇輿地志崇人知學自野王始

唐

李商隱字義山號玉溪河內人唐開成進士調弘農尉又
中拔萃科補太學博士遷工部員外郎子詩與溫庭筠
段成式齊名當時號三十六體曾遊武夷有絕句一首
武夷題咏自此始也

南唐

張紹御史大夫嘗作冲佑觀銘

張嶠字景山崇安人太傅靄之子也南唐末隱居武夷宋
初任歙州通判會山寇至與太守龔慎儀協力拒守卒
邇寇太宗朝超拜御史中丞累贈工部尚書子傲字希
古淳化進士官至工部侍郎孫湜濠皆爲郎

宋

李綱字伯紀邵武人政和元年及第歷事徽欽高宗三朝
宣和七年金人敗盟徽宗欲避有太子建牧之議綱爲
太常少卿刺血上書以太子監國無位號何以號召天
下疏人而內禪之議始決欽宗即位累遷尙書右丞奏
封一主於戰於是以綱爲親征行營敵至兩戰却之進
樞密院封開國伯未幾議和之使冠蓋相望言者各綱
主戰遂落職高宗即位復除尙書右僕射兼中書侍郎
封開國侯進開國公首奏黜張邦昌諸人以次請竄薦
宗澤爲開封留守許翰爲尙書右丞乃以阻寇幸與汪

黃不合言者証奏又落職凡七十五日而罷三移貶所
安置萬安軍紹興二年復除荆廣南路宣撫使兼知潭
州平湖南諸盜改江西安撫制置大使兼知洪州特建
康移蹕之議已定綱具奏其非遂迄祠法紹興十年正
月上元卒累贈太傅謚忠定綱負天下之望宋使至此
必問李綱安否史稱其出將入相南渡第一名臣也綱
劍浦時嘗屢遊武夷有詩賦平生著述凡數百卷皆大
楊億字大年浦城人年十一應童子試詩賦立就賜袍笏
授秘書正字淳化中獻二京賦賜進士會會修冊府元
龜雁官工部侍郎真宗欲立德妃爲后使丁謂諷億草

制竟不奉詔年僅四十七卒贈禮部尚書諡曰文嘗登
臨武夷題咏甚富著書約二百卷有以武夷名集者

晏殊字同叔臨川人十四歲真宗召見賜同進士出身授
秘書正字累官刑部同平章事卒贈司空諡元獻范仲
淹歐陽修孔道輔皆出其門富弼楊察又爲其婿世以
爲知人曾遊武夷有三仰峯棋盤石一律著文集四十
卷及類要二府臨川集

陳襄字述古侯官人慶曆二年進士歷官侍御史時青苗
法行襄請斥王安石呂惠卿以謝天下罷韓絳政府以
柱大臣爭利而進者踰年知制誥直學士院安石摘其

小失出知陳州徙杭州卒贈少師諡忠文襄早有盛名
居古靈山人稱古靈先生嘗言司馬光呂公著韓維可
侑心膂不宜久令居外鄭俠狂直願乞生還又薦范純
仁蘓軾曾鞏程顥張載蘓轍等所著有古靈集遊武夷
詩

李彌遜字似之連江人大觀中進士累官戶部侍郎秦檜
主和議力詆之乞知漳州檜嫉黨論之落職家居十餘
年卒後朝廷思其忠節詔贈敷文閣待制諡忠肅嘗遊
武夷題詩於觀妙堂之東楹著有奏議外制議古文詩

集

謝源字資深臨川人成進士授建昌軍學教授歷南昌縣丞調邵武縣丞卒於官朱文公銘其墓碣有曰嘗以檄書便道過我既去遊武夷山水間得余所結廬處復留詩見屬云著有空齋詩稿

袁樞字機仲建安人隆興元年試禮部第一爲嚴州教授與朱文公友善武夷精舍題咏最多嘗纂通鑑紀事本末叅政龔茂良上其書孝宗嘉歎遷大宗正主簿召對光宗受禪知常德府寧宗朝擢右文修撰再知江陵郡人受其德官至寶謨閣待制致仕著有易傳解辨異童子問等書

留元綱字茂潛泉州人忠宣公正之孫也爲人有才畧抱
匡世之志官至秘閣校理直學士曾遊武夷小九曲有
紀遊刻字

吳栻字顧道旣寧人大觀初官至龍圖閣直學士再鎮成
都徽宗稱其清謹循良云

祝穆字和甫歙縣人其曾祖確爲朱文公外大父父康國
始遷崇安穆少名丙與弟癸俱從文公於武夷精舍得
聞緒論所著有事文類聚方輿覽勝蔡文肅與宰執陳
元鳳薦其賢除迪功郎子洙寶祐四年進士著述能紹
其學

方嶽字巨山號秋崖淳祐間知南康軍以忤賈似道去郡
著有秋崖小稿

呂勝已字季克建陽人紹興中殉難兵部尙書社之子也
因奉勅葬父邵武遂居焉嘗與其甥方士繇來崇安受
學於文公以廕爲湖南幹官歷倅江州知杭州官至朝
請大夫自號渭川居士

潘楹字立之懷安人父滋林拙齋高第也黃文肅嘗學焉
楹與弟柄來武夷從文公遊著觀象元契圖忘筌書性
理勉齋年譜柄字謙之志道最早著有易解尙書解學
者稱瓜山先生

林希逸字肅翁號虜齋福清人宋紹定間進士歷官有清聲仕至中書舍人多著述

翁易字粹翁崇安人通六經尤精春秋從學朱門與劉文簡蔡文節皆得其奧義人稱竹林先生子甫字景山寶慶進士歷太常卿江西漕使

張巽字子文晉江人父寓與張栻共學遣巽從遊時惠安劉鏡稱朱門高弟巽從之遊有所聞未能釋然乃謁朱子于武夷退而喜曰吾固謂其不止是也既歸函養靜修人稱錦溪先生

王阮字南卿江州人父彥博勤王有功阮稱將種議論奮

發時張栻守袁州阮就焉又就學於文公文公與語大
悅之登隆興元年進士知濠州金人不敢南侵奏事入
京韓侂胄慕其名遣客通意阮曰劉歆柳宗元失身匪
人爲萬世笑吾肯造其門哉侂胄怒批旨予祠遂歸蘆
山有義豐集

建陽有蘆山卽朱文公結廬之雲谷

廖德明字子晦順昌人乾道己丑進士嘗費莆田潘祠破
桂陽劇盜仕至吏部左選郎嘗曰吾居官惟用三代道
道而行一句著有春秋會要槎溪集受業文公編輯語
錄從遊武夷六曲響聲巖文公所勒題名子晦與焉

范念德字伯崇建陽人從朱文公學嘗深贊其所著雜說

又屬其修正禮書仕宜黃令六曲溪北文公勅同遊諸君有其姓字

林得遇字若時仙遊人初質鈍有志於學誓裹糧至武夷師事文公文公令日讀論語集註遂由此悟以卒以名儒聞

鄭昭先字景紹閩縣人淳熙丁未進士授浦城簿自以未嘗學問來武夷受業於朱子遷歸安令邑人愛戴之庶官諫議大夫知樞密院事進右丞相立朝敷有奏章言皆切直卒謚文靖著有日湖遺稿五十卷

楊至字至之晉江人蔡文節公之婿也師事文公嘗從遊

於武夷輯文公語錄二卷

詹淵字景憲崇安人師事文公登慶元乙未科官臨江戶
曹椽數十年滯牘一閱得情後監行在車輅院

林成季字井伯莆田人文節公光朝之從子也嘗至武夷
從朱文公遊趙忠定公帥閩禮爲上客每事諮之嘉泰
二年以特奏名授興國軍判官

陳範字朝弼崇安人文公弟子本籍建陽居五夫里舉嘉
定甲戌進士授婺源尉留心民瘼秩滿遷丞崇仁偶有
疾自嘆云倘來軒冕心無必見在詩書足自娛遂歸隱
里門不復出

劉子寰字圻父建陽人嘉定丁丑進士仕至觀文閣學士
早受學於文公自號黃鵬翁有詩名劉文定克莊序其
集嘗題毛竹洞挾人石有今人自取捷徑行却與山石
能挾人之句

包君定永嘉人嘗至武夷從文公講學稱其用意精密黃
勉齋送徐君父序云淳熙甲辰始識君定於武夷

周明作字元興建陽人從文公學者有汪子潤答壽錄考
劉應李字希泌號省軒建陽人從道西山遊登減淳甲戌
進士授本縣尉入元不仕與熊勿軒禾講學於洪源書
堂十有二年後建化龍書院於西山之麓以教生徒熊

勿軒爲之記著有易經精義傳道精語又編輯翰墨全書

翁合字叔備崇安人嘉熙進士歷官中外有聲終侍講有丹山集遊武夷有詩

范師孔字學可崇安人咸淳間預恩薦讀書武夷書院三司聞其名辟充講書素工詩有畫餅集行世子棄字不遐亦以詩名

翁彥約字行簡崇安人仲通之子也政和二年登第調常州刑曹召爲編修官定九域志遷太常博士尋提舉河北西路學歷知汝州高郵皆有茂績著詩文集十卷於

武夷山題咏最多弟彥深太常少卿撰述亦旨彥國御
史中丞

劉子羽字彥修崇安人忠顯公幹長子初以蔭除修撰嗣
以浙東帥屬佐父破方臘又從守真定戮力禦敵建炎
三年張浚宣撫川陝辟爲叅謀時提舉御營范瓊本汴
京叛臣子羽爲浚謀招之議事以計誅之金人人興元
四川大震子羽築壘於毒潭山敵遣十人持書招誘子
羽斬之而縱其一日爲吾語賊吾有死耳何可招也敵
會疫癘引衆遣子羽掩其後敗之以是全蜀後知鎮江
不附和議忤秦檜予祠罷歸寄興武夷多所題咏卒贈

太傅謚忠定先是朱獻靖公疾革託孤文公嘗曰幼嘗侍側見其賓客滿座目覽書籍耳聽指授口供應對手答書疏道人傑也

劉褒字伯寵崇安人十歲能文淳熙五年進士歷官有聲除司門郎中尋賦歸隱有泉石膏肓針不得半巖明月夜猿啼之句自號梅山老人嘗棲息武夷至今二曲之樓閣巖猶存勒字

黃鉢字子厚自號穀城翁崇安人受業於屏山先生朱子爲同門友每嘆其爲文超然不可企及中年不得志於場屋乃行咏山水以自適武夷精舍有詩沒後朱子序

其文集行世

彭葵字武山崇安人劉侍郎夔薦其行檢清修文章典贍
召赴闕授將仕郎後登嘉定十三年進士除秘書省校
書郎終大理丞有詩集武夷遊句惜多不傳

曾肇字子開南豐人肇之弟也官至翰林學士謚文昭
何鎬字叔京邵武人文公響聲巖紀遊者九人以叔京冠
之官善化令文公爲撰墓銘稱其廉直惠和有臺溪集
數十卷

項安世字平父括蒼人徙居江陵淳熙進士爲秘書正字
光宗不過宮嘗切諫謂必以時定省禮無擇日素與朱

文公友善寧宗朝知鄂州淮漢師潰金圍德州急安世
不俟命徑遣兵解圍論者吐之武夷精舍多所題咏

徐榮叟 徐清叟皆浦城文肅公應龍子也兄弟同舉進
士於嘉定七年榮叟字茂翁始令永康以賑饑得民心
累官資政殿大學士致仕卒謚文靜清叟字直翁任太
平教授時有警報制府檄州守禁采石渡清叟以爲蔽
猶未至奈何先自推赤子魚腹中守然其說淮民得渡
者三萬餘歷觀文殿學士致仕卒謚忠簡皆嘗與常菴
江師隆友俱有遊山題贈之詩

劉清夫字靜甫建陽人詩學與劉子寰齊名尤長樂府所

作多人中興選中居麻沙嘗至武夷有咏梅念奴嬌一
詞云亂山深處見寒梅一朵皎然如雪的皜妍姿羞半
吐斜映小窻幽絕玉染香腮酥凝冷艷容態天然別故
人雖遠對花誰肯輕折疑是姑射神仙慢亭宴罷迤
邐停瑤節愛此溪山供嘯咏飽玩洞天風月萬石叢中
百花頭上誰與爭高潔穠桃艷李不須連夜催發

翁詠

蔡公亮

唐後宋寶祐間勒石於二曲樓閣巖而

唐然以邂逅偕遊唐照以載酒來會皆附紀云詠字
永叔號思齋建陽人受業於蔡節齋註釋河洛運行講
義公亮字子明號仁齋文肅公杭子寶祐元年進士官

大理司直復字仁仲崇安人景定間登第知金華縣因
母憚遠涉遂致仕然字三峯亦崇安人薦辟登仕郎照
其弟也

謝枋得字君直號疊山弋陽人寶祐丙辰進士德祐元年
爲江西招諭使知信州守將呂師夔叛降元枋得兵敗
不支以老母在不卽死變姓名入建寧唐石山轉茶坡
日麻衣躡屩東向而哭已賣卜建陽以奉母母終元使
聘之乃致書時宰曰自今無意人間事矣迺入燕臺不
食死明景泰中諡文節宋之初亡熊勿軒禾遁迹武夷
枋得嘗來訪之所著有詩傳注疏易說文章執範及文

集若干卷

李仲光字景温崇安人成進士著有肯堂集

(元)

貢師泰字泰甫宣城人以國子生中江浙鄉試釋褐太和州判尋爲紹興路推官稱治行第一累遷禮部尙書改戶部尙書嘗遊武夷有詩著玩齋集

劉邊字近道建安人與熊勿軒友善著有讀史據言等書
鄭德普字汝施號景厓崇安人與范師孔趙若樞相酬倡
其遊武夷題靈巖云山蒸雲氣晴能雨泉挾風聲夏亦
寒題齊雲峯云石潤黏蒼蘚澗高流白雲皆佳句也惜

全稿散逸不存

蔣易字師文建陽人從杜本遊居武夷者數年性聰敏博極群書尤工吟咏自號橘山真逸與藍氏兄弟多所倡和有鶴田集諸書行世

虞集字伯生蜀人寓崇仁官侍講學士謚文靖

趙若字順之崇安人元初屢辟不就著有澗邊集二十卷劉說道元人武夷題咏甚多

劉濟字應徐崇安人工詩與趙必邁兄弟爲友

林泉生字清源永福人元天曆中進士爲福清州同知山海之寇充斥悉以計殲之擢州守累官翰林學士卒謚

文敏嘗遊武夷有詩著春秋論斷及覺是集

范梈 薩都刺皆元之聞人宦遊園中而留題武夷者也
梈字伯機臨江人初以薦授左衛教授歷遷翰林應奉
改閩海知事尋移疾歸吳文正嘗以東漢諸君子擬之
人稱文白先生有詩文稿十二卷 都刺字天錫鴈門
人泰定丁卯進士歷官侍御史以劾權貴左遷閩海知
事有天錫集鴈門集

黃清老字子肅邵武人元泰定進士爲國史院編修後出
爲湖廣儒學提舉學者遠從之號樵水先生有遊武夷
詩著春秋經旨四書一貫

錢惟善字思復錢塘人至正間官副提舉與楊維正唱和
初應鄉試出羅刹江賦鎖院三千人皆不知錢塘江爲
曲江獨惟善據枚乘七發引用以此得名遂號曲江居
士嘗送李德夫之官福建詩云武夷我有南遊約欲借
扶搖駕羽翰晚號武夷山樵者蓋曾登臨於此著有江
月松風集

明

劉基字伯溫青田人元至順進士明太祖定處州以書幣
徵之詣金陵太祖留惟幄謀議機密嘗稱老先生而不
名曰此吾子房也洪武元年以爲御史中丞兼太子贊

善大夫三年封誠意伯八年卒正德中謚文成嘗過武
夷有古詩一首著彙說集犁眉公集

宋璩字仲珩浦江人學士濂仲子洪武中召爲中書舍人
林弼字元凱初名唐臣龍溪人洪武初官登州太守有梅
雪齋稿

林鴻字子羽福清人洪武初官膳部員外郎著有鳴盛集
王侗字孟揚元行省東阿王翰子寓永福舉洪武庚午孝
廉永樂初授簡討有虛舟集

偶桓字武孟太倉衛人洪武中應秀才舉爲崇安從事有
江雨軒集

邱錫字永錫崇安人洪武己卯舉人授衛州府教授永樂
四年召修大典成改衛州教授宣德七年又召修永樂
實錄仍乞原職改建昌教授嘗五典文衡人服其公晚
年與徐仲禮結社武夷年八十披讀不倦有文集行世
王恭字安中閩縣人永樂以薦與修大典授翰林典籍不
就號皆山樵者著述甚富

鄭紀字廷綱仙遊人天順庚辰進士累官南戶部尙書有
東園集

柯潛字孟時莆田人景泰二年狀元歷官至少詹假歸葬
親詔起大司成時塋服未除且疏力辭謂今日負罪拜

官他日所以事君者可知也上從之曾遊武夷有詩著巖遺稿

聶大年字壽卿號鐵峯臨川人工詩文善書景泰中由教諭徵入翰林

沈周字啟南號石田長洲人景泰中郡守以賢良應詔辭不赴

林聰寧德人正統己未進士官刑部尚書太子太保費宏字子克鉛山人成化狀元官至少保謚文憲

林俊字待用莆田人成化戊戌進士以員外歷遷藩臬尋為南僉都操江改江西巡撫召為刑部尚書時有權璫

受民詞國戚擅殺人者皆執法論罪改戶部清正德朝所占民田爲皇庄者盡還之爲閩人所嫉乞休以太子太保致仕卒諡貞肅有奏議文集遊武夷題咏

鄭善夫字繼之號少谷閩縣人弘治乙丑進士授戶部主事以劉瑾亂政里居六年起補儀曹時武宗將南巡下諫臣黃鞏等於獄善夫抗疏救之罰跪午門五日杖三十當跪時猶草疏匿懷中謂郎中方豪曰死則上之已而駕發哭曰無所用吾言矣再告歸世宗改元以薦起用官吏部郎嘗與方豪同棲息於武夷俱有詩

黃鞏字伯固莆田人弘治乙丑進士時武宗將南巡江彬

握勁兵上疏請戒遊幸去小人詔獄廷杖除名罷歸嘉
靖時起大理丞卒謚忠裕有後峯集

周宣字彥通莆田人弘治乙丑進士官臺中諫南巡罰跪
烈日中三日後歷粵東左藩有秋厓集

林大輅字以乘莆田人正德甲戌進士爲員外時疏救諫
南巡黃鞏等下獄廷杖謫判彛陵嘉靖時起用巡撫江
西歲災引咎自劾去有槐蔭集

馬明衡字師山莆田人正德甲戌進士官侍御世宗朝昭
聖太后生辰有旨免朝賀上疏極諫下詔獄人因其父
思聰以主事死宸濠之變稱雙忠云

戴時宗字宗道長泰人正德甲戌進士授刑部主事有緹騎殺人執法不貸歷考功文選郎諫武宗南巡廷杖幾斃後累遷左僉都被誣罷歸

林汝翥字大歲福清人舉孝廉令沛有平寇功入爲御史執法忤璫廷杖歸後復原官

二林全上黃周馬戴六公俱先後遊武夷勒字題詩者也

林炫字貞孚福州人尙書庭楸子正德甲戌進士官通政田賦字用周旣寧人正德甲戌科由黃門終淮安太守有政聲著述甚多

游璉字世重連江人正德辛未進士歷官廣東按察副使

有少石稿

舒芬 劉同升皆江西狀元以建言謫閩遊武夷芬字國
裳進賢人正德丁丑科武宗南巡翰林官諫者芬疏先
入下獄廷杖謫閩市舶司提舉世宗初召還以議大禮
再杖罷歸後贈諭德諡文節有梓溪集同升字晉卿吉
水人文節公應秋子崇正丁丑科疏叅時相降閩按察
司知事唐王立召爲詹事尋贛州盡瘁以卒諡文忠
林春澤字德敷號旗峯侯官人正德甲戌進士授戶部主
事武宗南巡諫者皆廷杖罰跪午門春澤抗疏奏免江
彬扈從大擅威福春澤持正不阿彬爲氣奪壽百有四

歲有人瑞翁集遊武夷詩

李默字時言甌寧人正德加科辛巳進士世宗時官吏部
尙書爲嚴嵩所擠卒於獄穆宗初復原官神宗時謚肅
愍著有羣玉樓稿朱子年譜輿地圖等書

楊巨字桓叔弟易字乾叔建安人正德末同修武夷山志
巨舉成化丁酉科累官太僕寺少卿乞休自比靖節顏
其居曰陶園所著有陶園錄鳴鶴餘音等書易舉正德
戊辰進士嘉靖初以員外抗論大禮廷杖尋遷雲南副
使有嘉會詩稿石雲困學集

方豪字思道號棠陵開化人正德戊辰進士亦諫南巡受

杖後歷官副使

孫一元字太初不知何許人嘗棲太白之巔遂稱太白山人歷遊華衡泰岱以鶴瓢鐵笛自隨賈相國宏嘗訪之吳會南屏寺中語人曰吾一生未見此人也正德中劉瑾亂政長興隱士吳琬與太守劉麟觀察龍覓御史陸崑結社隱居以書招一元入焉時號茗溪五隱遂家長興年三十七而卒曾遊武夷有七言絕句二首著太白

漫稿

陳經邦字公望莆田人嘉靖乙丑榜眼充東宮講讀官神宗時每進講敷陳洪亮上改容聽之常呼爲先生而不

名張居正奪情百僚皆希指疏留經邦獨否居正銜之
久不遷迨居正沒始連擢至禮部尙書曾至武夷有留
題

詹仰庇字汝欽安溪人嘉靖乙丑進士隆慶時爲御史以
直諫被黜神宗初復起官至刑部侍郎

龔用卿字鳴治福州人嘉靖丙戌狀元除修撰歷諭德終
南京國子祭酒嘗遊武夷多題咏又勒字于二曲樓閣
巖著有雲岡集

陳暹 馬森俱福州人嘉靖乙未進士暹字德輝歷官廣
東方伯慈祥清介宦遊三十年囊無餘金森字孔養守

太平雪寃釐弊裁抑中瑞歷江西臬蒲巡撫陝大司農
乞終養卒謚恭敏兩公于六曲勒字以紀同遊森長子
災官都督府都事亦勒字于後次子欽以明經官興國
州判亦嘗遊有詩

魏文煖字德章侯官人嘉靖甲辰進士官廣西臬司有石
室私抄

俞安期字羨長初名策字公臨嘉靖時吳江人有寥寥集
鄭東白字叔曉號少棠莆田人嘉靖丁未進士官僉事

林命字子順建安人嘉靖癸丑進士金壇令有政聲歷黃
門臬司左遷司李著春秋訂疑諸書

鄧元錫字潛谷江西新城人嘉靖乙卯孝廉不上公車杜
門撰述以薦授翰林待詔所著函史五經繹潛學稿嘗
至武夷有題咏同邑有南渡殉節儀部黃端伯字元
公號海岸崇正間以進士爲司李內陞亦曾至武夷今
石瓶巖有鏡禪師塔銘其所撰也

滕伯翰字汝載甌寧人嘉靖壬戌進士初爲番禺令海寇
方熾防禦有方入爲吏部卽歷遷至操江所在皆以績
著及督撫浙江疏請改折漕綱停減織造尤蘊民困海
塘堤壞急修築之至春汛盜艘大至乃親率諸將駕樓
櫓擊之斬捕無算事聞褒賚有差卒贈少司馬山北之

馬頭巖石壁有勒字

威繼光字元敬號南塘山東人由登州衛指揮累官至左都督加少保謚武毅有明中葉名將也嘉靖季以副總兵鎮閩大破倭于平海衛復興化臺同安藏漳浦閩寇悉平尋移鎮薊門經過武夷有詩題壁又勒字石上少嘗折節爲儒通曉經術軍中篝燈讀書每至夜分戎事少間輒登山臨水緩帶賦詩後罷鎮歸角巾布袍人不知爲故將軍也著有詩文曰止止堂集論兵之書在浙有紀効新書在薊有練兵實紀皆傳於世

傅汝舟字木虛一名丹號丁戊山人一日菴老侯官人以

詩名工行草雅爲王弇州所推重。按李元陽嘗邀之談論古今，應答如響。待以上客。嘉靖間入武夷，寓居止止庵。與道人江一源爲烟霞交，著有詩文集。

羅天長，號紫曦，永安人。少嗜山水，好老莊。抱朴等書亦嘗棲武夷，火燭峯甚久。

黃大年，字君和，號覽臺，崇安人。嘉靖辛酉，孝廉授武岡學正。庚午，聘充江南考官，號得人。王堯封于文，熙其最著者也。歷知楚雄府、晉太僕寺少卿，乞休歸，置義田學田數百石。宗族暨貧士皆食其德。初讀書武夷，迄歸復優游山中，以娛老。

王應鍾字懋復嘉靖辛丑進士歷官有風節數劾權璫抑
暴橫宗室忤嚴嵩後竟爲嵩所中罷歸著缶音集亦嘗
至武夷有詩

王應山字懋宣侯官諸生應鍾弟也博學高才爲海內知
名士嘗以春秋教授棲止武夷四方從者如雲所著有
閩大記閩都記風雅叢談及詩文稿

鄭主忠號三峯莆田人嘉靖時人遊武夷有詩

聞人詮字邦正餘姚人嘉靖丙戌進士歷官湖廣按察司
副使有芷蘭集

高澂字宗呂侯官人嘉靖初與傅木虛諸子同遊鄭少谷

之門稱十才子澂君首有霞居子集

何元述晉江人嘉靖壬辰進士官至廣東副使

鄭鑰號如南閩縣人嘉靖丙午舉人官御史

何文俸福州人嘉靖乙酉舉人官雲南副使有平寇功

蔡汝楠字子木號白石德清人嘉靖壬辰進士官至兵部侍郎有自知堂藁

張謙字仲受慈谿人嘉靖壬辰進士歷官按察司副使

徐渭字文清更字文長號天池山陰諸生嘉靖三十五年胡少保宗憲督師浙江招致幕府笺書記才名藉甚兼

工書畫著有國編櫻桃館諸集

李有則字子彛建陽人嘉靖己酉孝廉官順德令著有東陽聞紀等書

鄧遷字世喬閩縣人嘉靖戊子孝廉令香山以治行著後官嘉興別駕

陳謹字德言閩縣人號環江嘉靖癸丑狀元官中先有詩古文集

王應槐字汝旦閩縣人嘉靖戊子舉人任太倉學正行己方正尚氣節嘗庭爭州守雪士冤遂拂衣去教授生徒以老

莊一俊字君棐號石山晉江人嘉靖己丑進士官至叅道

王會字一川漳浦人嘉靖甲午舉人官曲靖同知有政績
著述

白悅字貞夫武進人嘉靖壬辰進士官江西按察司僉事
有雒原集

張元忬字子蓋山陰人隆慶辛未狀元官至翰林侍讀嘗
遊武夷入杜韜巖訪同年吳中立賦詩勒石著有不二
齋集

與稷字元立常熟人文懿公景淳之子也以父任爲部
郎歷知黃州邵武二府秩滿嘗遊武夷有賦陞長蘆都
轉運使加太僕寺少卿致仕

李應徵初名衷毅字伯遠嘉興人萬曆癸酉舉八官國子
監博士有集凡十許種

吳國安字文仲長州人萬曆丁丑進士官至浙江副使有
葆光軒稿今是堂集

林堯俞字咨伯莆田人萬曆己丑進士熹宗朝累官至禮
部尙書時有旨選閣上疏力爭有云願垂履襪之戒毋
啟旁落之端未幾乞休歸嘗遊武夷有詩著溪堂詩文
集

張以誠字君一華亭人萬曆辛丑狀元官諭德嘗奏請東
宮出講請宮闈非進學之地內侍非勸學之官疏甚侃

直朝論偉之壬子典閣試士服其公事竣過武夷於六
曲仙掌峯磨崖紀遊著有酌春堂集

屠隆字長卿號赤水鄞縣人萬曆丁丑進士宰潁上青浦
擢禮部主事終郎中平生好交遊畜聲伎以詩酒自放
太守阮自華嘗以中秋大會詞客于烏石山宴集者七
十餘人而推隆爲祭酒酒闌歌罷奮袂作漁陽摻搥鼓
聲一作旁若無人四座服其豪邁來遊武夷題咏甚多
著曰榆采真南遊諸集

葉向高字道卿號臺山福清人萬曆癸未進士累官東閣
大學士當神宗嬖鄭貴妃時福王受封久不之國光宗

居東宮日在危疑而宛轉敷陳折曲調護能使福王就
藩東宮莫安者公之力也卒謚文忠嘗遊武夷有近體
詩數首

顧錫疇字九疇崑山人萬曆己未進士歷遷禮部左侍郎
陞尙書致仕當其典禮時追諡建文帝后及褒恤死節
諸臣予諡贈官皆所定也嘗遊武夷有登天遊詩著握
日草

鄧原岳字汝高號翠屏閩縣人萬曆壬辰進士官湖廣副
使有西樓存稿

何喬遠字稚孝晉江人萬曆丙戌進士官戶部侍郎有鏡

山詩集名山藏

董其昌字元宰一字思白華亭人萬曆己丑進士別歷中外累官至禮部尙書請告卒謚文敏性敏多能尤工書畫當時議謚以其風流文采媲美趙承旨也初爲庶常時嘗以公事入閩過武夷遊雲窩賦二律詩尋遷編修出爲福建按察司副使駐節延津轉湖南提學著有容臺集

畢懋康字孟侯歙縣人萬曆戊戌進士歷官兵部侍郎有管滢西清二集

陳勳字景文號元凱閩縣人萬曆辛丑進士官戶部郎中

有元凱集及雜著

史繼偕字聯岳晉江人萬曆壬辰榜眼官至宮保大學士
謚文簡爲編修時請立東宮開閣講學不報致政歸熹
宗卽位起用爲阮大鍼所排擠引疾致仕屢盤桓武夷
有吟咏

謝肇淛字在杭長樂人萬曆壬辰進士筮仕司李累官至
粵西方伯前後皆有廉能聲嘗抗疏數千言云不忍以
閭閻有限之膏脂付諸闍豎徂僧之手語極剴切神宗
優容之有小草齋詩文及雜組十六卷屢至武夷題咏
甚富

謝杰字漢甫長樂人萬曆甲戌進士累官巡撫南贛晉刑部侍郎遷戶部尙書總督倉場卒予祭塋著北窓吟稿有遊武夷詩

曹學佺字能始號尊生侯官人萬曆乙未進士由主事歷廣西叅議副使天啟初逆璫煽虐屬黨人成三朝要典學佺惡其不直著野史駁之事聞於朝黜爲民末季起用官至大宗伯殉國難自經死其絕命詞有生前一管筆死後一條繩之句平生於名山勝蹟靡不探陟尤愛武夷每留連眺咏著有石倉集名勝志

徐燧字惟和閩縣人萬曆戊子孝廉以詩鳴嘗遊武夷嗜

書好客客有急來歸輒傾貲賑之家以此落卒不悔
徐焯字惟起又字與公煥弟也亦嘗遊武夷博貫古今以
詩鳴著有鼇峯集等精諸書子延壽亦能詩

康彥登字元龍又字孟塘閩縣諸生萬曆間福州七才子
之一與徐焯兄弟齊名所著有朔方遺稿屢遊武夷每
至必久而後去留有詩

江騰鯨字仲魚號五芝崇安諸生也徐焯嘗稱其有碩人
之致武夷諸峯各置筆硯書帙隨意所適有時道衣道
冠儼然羽流嘗賦秋風懷友詩二十餘首皆道侶漁樵
猿鶴之屬風塵之客不與焉惜早卒編有武夷山志

伏誅起擢楚撫督師隔以兵敗逮獄時爲崇正庚辰適以智成進士授檢討疏請代父帝稱其孝尋釋孔炤遂奉母以歸隱甲申闖賊犯闕以智被執不屈得間南奔時馬阮當國乃痛憤迹閱粵間薙髮爲僧改名弘智號愚者別號無可亦稱藥地老人嘗寓武夷經年多所題咏晚住吉安青原山以病卒於贛江之惶恐灘遺書凡數十種孫正秘字士表號益齋來崇遊武夷於五曲雲路見祖父題咏有詩慨然感賦能紹其學

智子中德隱居著述

錢秉鐙字幼光桐城人嘗爲曾峽江樓黃漳浦道周所薦除司李後返里更名澄之字飲光以詩文遊四方曾登

武夷有紀遊詩著易學詩學莊屈諸書

鄭郊字牧仲莆田人黃漳浦及門高弟著述甚多

秉宗周字尙文號太樸崇安人好學而重義曾貸人三百緡其人死于幼無有知者自詣喪次白之償以居宅攜家入武夷蕭然環堵恬如也子仲孺字穉生工詩善書修有武夷山志明末以薦授平遠令

陳有祐字君吉侯官人性至孝妻以語言侵其母即去之改革後棄家祝髮以母老歸侍母疾刲肝以救及卒哀毀踰節尋入武夷山徜徉悲歌久而始歸著續騷十卷熊之璋字玉孺號頑石崇安人物軒先生裔孫明末恩貢

不出仕自幼事父鉅細必親父歿哀毀過度隣火將延
抱柩號呼風迴火滅里人稱其孝感每入武夷多詩句
著有頑石集

李世熊字元仲寧化人博極羣書雅負氣節明末以大臣
薦徵授待詔後避世衡門不渝所守著有寒支集先是
嘗從其師黃漳浦道周入武夷相倡酬今存有詩

沈仕字子登杭州人明刑部侍郎銳子自號青門山人

陳鳴鶴字汝翔號雪樓侯官諸生有詩數百篇徐興公爲
選刻行世

國朝

施潤章字尙白號愚山宣城人順治己丑進士出部郎督
學山左號得人嗣遷江右湖西守道講學建詞禮賢恤
後又舉博學宏詞對秩調侍講辛酉典豫試進侍讀卒
于官嘗至武夷題咏甚多二曲之檀香潭易名浴香著
有學餘觀海等集

鄭重字山公建安人順治戊戌進士靖江令入爲銓司仕
至刑部左侍郎前後三典文衡自己酉雲南以及戊午
秦闡戊辰會試人皆以爲得士云少時嘗過武夷留連
題咏并重訂文選行世

江臯號磊齋桐城人順治辛丑進士歷四川學使平慶興

泉守道著有詩文集

李尙字寤生原名之本如舉明經也嘗賦梅花詩百首爲
山陰王思任所深賞性嗜山水遊字內各山殆盡武夷
則一再至年近七旬復入武夷子名鯤字北溟追從焉
棲天遊經歲病卒塋仙遊巖時順治辛丑歲也

李應橋瀏陽人自號謫生幼遭亂流寓平江毛氏冒其姓
應試補弟子員名釋玉字玷修恒鬱鬱不樂已而復姓
李以備嘗艱難更名如舌字嘗之過武夷寓雲窩經歲
與李卷交善卷盛稱之所著有文集二十卷武夷志畧

二卷

李光地號厚菴安溪人康熙庚戌進士閩變不屈入京師
歷遷大學士居官盡職燮理機宜乙未冬給假歸閩遊
武夷謁朱文公祠倡率重修

李光墀字廣卿弟光堉字奕卿俱厚菴弟皆舉孝廉奉父
總戎公日烜號自軒來夷山徧遊賦詩

蔡世遠號梁村漳浦人康熙己丑進士歷遷禮部左侍郎
嘗遊武夷善詩文著有捫齋集

陳萬策號對初晉江人康熙乙未年偕李相國遊武夷戊
戌成進士官翰林編修

汪份字武曹長洲人康熙癸未進士官庶常入操選政學

者宗之嘗遊武夷泛九曲上天遊嘯歌竟日

查慎行字悔餘錢塘人康熙癸未進士爲編修嘗同中表
朱竹垞至武夷有紀遊唱和詩各賓雲集

吳瞻淇字衛漪歙縣人大司成苑子康熙癸未進士翰林
院庶吉士遊武夷有詩

高蘭字楚芳號澹園奉天人由部屬出宰紫陽丁艱補會
稽復丁內艱康熙庚寅過武夷所著有浣花書屋詩草
臧眉錫字介子號喟亭長興人康熙丁未進士官至侍御
史有益聲嘗至建陽訪輯朱子全集鏤板行世來遊武
夷題句于天遊觀壁

潘耒字次耕號稼堂吳江人博物洽聞康熙己未以布衣
舉博學宏詞授翰林檢討纂修明史壬戌分校禮闈嘗
遊武夷賦詩留題著有詩文集

朱彝尊字錫鬯號竹垞秀水人明少傅文恪公國祚之曾
孫也自幼穎異日記萬言長益汲古淹貫百代康熙己
未舉博學宏詞以布衣授翰林檢討纂修明史進日講
典試江南思遇甚厚尋還山閒居益肆力于述作康
熙乙酉

聖祖南巡以進經義考特

賜研經博學之額

東宮亦賜額曰追風夾漈世以爲稽古之榮有經義考三百卷明詩綜一百卷日下舊聞四十二卷詞綜二十卷自著詩文總編爲曝書亭集八十卷戊寅曾遊武夷與太史查慎行中表齊名連袂而至有紀遊唱和詩曰賓雲集

沈宗敬號恪庭婁縣人文恪公荃之子康熙進士爲編修遊武夷有虎嘯入景諸詩

顧嗣立字俠君長洲人康熙壬辰進士爲翰林遊武夷有詩著有山陰金焦集并元百名家詩選

陳鵬年號滄洲湘潭人康熙癸未進士爲蘄州太守文章

經濟朝野欽服徵入南書房纂修嘗至武夷

王奕駒字乾公號西村澤州人康熙壬子孝廉遷居福州
文行爲世所推重有丁甲集一峯樓詩文

吳擴字子充崑山布衣有長吟閣貞素堂等集

程式莊字嵩亭歙縣籍江都人太學有紅藥書莊詩文集
戊子年至武夷

湯永誠字若人南豐人司馬來賀長子舊廬隱居有雲鶴
亭詩文

湯永寬字碩人號寶田南豐布衣司馬來賀子著有詩文
若干卷王邑侯編武夷山志延其分校

雷銛字貫一號翠庭寧化人雍正癸丑進士由翰林歷任
銀臺典司浙省學政潛心理學淹通百家嘗遊武夷五
曲書院會當事諸公重修補葺祠宇一新登天遊一覽
臺有詩

金蘭友字同人崇安人康熙乙丑歲薦

孫四德字又京乾隆丙
辰進士任固始令

章九夏字禹聲崇安人康熙己巳歲薦自少至老好學不
倦

饒鑑字靜水崇安人康熙辛酉歲薦著有詩文集于澤咸
字受人雍正癸卯恩貢次于澤臨字治人康熙丁酉歲
薦任候官司訓預修崇安縣志各有歷試草行世

倪天翰字康侯崇安人雍正癸丑歲薦預修崇安縣志居
家孝友嘗讀書武夷止止壺天留雲書屋乙未冬李相
國安溪至武夷佳其品錫以名山拔萃額兩舉優行題
請入國學錄用有敦行篇盟山要未刊行世子應運崇
諸生善詩文克承家學

張彬字幼賓崇安人康熙庚午孝廉任江西奉新令學優
才敏少時父負賸捫虱以緼袍藏蚤虱命對荅曰滄海
畜蛟龍解組歸手不釋卷預修崇安縣志有憲稿及選
隆萬天崇文行世

馮柱雄字砥青號悅園順昌籍建安人康熙辛丑歲薦才

敏學博貫通諸子詩追李杜文媲歐柳尤工書法曾受
知於學使汪棣園先生丁丑拔貢擬公首選以母老辭
著述盈笥嘗遊武夷多所題咏子官祚孫毅似克承家
學

童能靈字龍儔連城人乾隆癸亥優貢純心正學博覽羣
書兩舉鴻詞以母老不赴隨以優行咨題優貢曾掌教
漳州府芝山書院卒舉鄉賢題准入祀著有理學疑問
朱子爲學考周易剩義樂律古義嘗居武夷精舍有謁
文公詩

卜築

晉

詹子豪崇安詹氏之始祖也其先南陽人晉太興元年有
遷居建州者曰秉邦三傳曰侁爲侯官令五傳子豪卜
築於武夷山子孫繁衍科第相承遂爲崇安巨族豪塋
於黃村黃源口半月山南宋淳祐間邑令詹元輔爲之
表墓門云

宋

劉夔字道元崇安人宋祥符八年進士由屯田員外郎權
侍御史歷官江浙淮南轉運使知陝州廣州有廉名帥

湖南平桂陽寇京東盜起又知鄆州發廩賑貧盜以衰
息後知福州改建州壽以戶部侍郎致仕英宗立遷吏
部卒嘗築室武夷四曲曰觀山亭自號山北居士年逾
八旬先期作遺表計祿分結親族曰吾某日逝矣富鄭
公稱爲異人范文正公曰高風孤躅賀監以後一人而
已所著有文選筆粹晉書指掌春秋褒貶志及武夷山

志

趙清獻公扞築吏隱亭於三曲之宴仙巖麓詳官守傳
熊蕃築獨善堂於八曲詳隱逸傳

胡文忠公寅建奪秀巖於五曲之羅漢巖詳理學傳

蔡餐字融與號牧堂建陽人西山先生之父也七歲能詩博學強記於易象天文地理三氏之書無所不通嘗築室於武夷之陽專以讀書教子爲事朱文公跋其絕筆謂叮嚀其子之語無不出於忠厚誠實而以沒溺利慾爲戒詹體仁爲墓表稱其常以古聖賢像俵妻詹氏日夕觀之以踵太任胎教之風故西山生而聰睿超羣云劉銜字兼道崇安人魁岸有膂力少好馳獵擊劍劉文靖勉以詩有何如着韉走大梁之句建炎初以勤王補官從韓蘄王世忠敗金人於濠累功遷秩晚年棄官歸潛心學易築小隱堂於五曲茶洞詩酒自娛與胡致堂遊

其中時吹鐵笛或慷慨舞劍意氣浩如也

吳達字公路崇安人宣和三年進士官至朝奉大夫以直
秘閣知鼎州卒平生多歷外任所至興利剔弊如知泰
寧減茶引錢知順昌身捍羣盜知濠州開墾以廣兵儲
提舉福建刑獄裁定鹽價額課通判南劍開墾九灘溪
路自記曰事無大小爲之必成害無久近除之必盡可

見其立心行政矣嘗構堂於八曲之笋州曰麗澤堂

劉琪字共父崇安人子羽之子幼從叔父子學紹興十
二年進士爲禮部郎坐忤秦檜罷檜死召入權中書舍
人從幸建康除直學士院出知泉衝二州歷知湖南江

酉湖北江東安撫使進觀文殿大學士疾請致仕卒諡忠肅史稱其忠義世家有古大臣風嘗築仰高堂迎錄亭於五曲文公爲詩詠之

朱文公築武夷精舍於五曲隱屏下詳理學傳

蔡文正公沉建南山書堂次子文肅公杭復建詠歸堂皆在一曲溪南詳理學傳

劉文簡公燭築雲莊山房於五曲其孫忠簡公欽又於五曲茶洞築小隱堂詳理學傳

欽築小隱堂五曲下茶洞後王明府有辨

游文靖公九言築水雲寮於六曲詳理學傳

真文忠公德秀嘗築室於武夷山中詳理學傳

詹師文字叔簡崇安人以詞賦鳴於時慶元丙辰進士調
婺源尉有捕盜功調江西憲司檢法治獄皆得其平秩
滿歸築室於一曲幔亭峯下號幔亭老人與並西山諸
賢吟咏山水間著有通典編要幔亭遺稿

袁長吉字叔異一字壽之崇安人寬厚長者耻言人過嘉
定庚辰進士官邵武簿調靖江軍掌書記秩滿歸結廬
武夷自號委順翁徜徉林泉託興吟咏雖老手不釋卷
後學師之著有雞肋集

葉樞窳夢鼎建石鼓書堂於八曲侍讀葉采亦嘗居之稱
鼓子書堂夢鼎詳官守傳采詳理學傳

趙必連卜築於武夷山北之白崖曰梅花莊詳隱逸傳

徐進齋幾嘗與同邑詹琦築靜可書堂於九曲詳理學傳
琦見隱逸傳

熊勿軒禾築洪源書堂於五曲詳理學傳

(元)

杜本字伯原其先京兆人父謙隨高宗南渡遷清江在文
丞相幕下數家佐軍以死本博極羣書尤精皇極之首
與虞集范梈友善吳澄劉會孟見而器之皇慶初江浙
行省丞相忽刺木薦其才召入不果用抵江右偕樂安
董仲達至武夷寓詹天麟家卜隱於九曲之平川結思

學齋懷友軒人號聘君宅天曆初復遣使召不赴釋書
無逸篇附進至正間丞相脫脫奏授翰林待制兼國史
院編修行次武林以疾辭復歸武夷所著有四經表義
六書通編清江碧嶂集又嘗集宋末遺民二十九人詩
百篇題曰谷音學者稱爲清碧先生塋於崇邑城外西
南界現桃林園下洲新塔路傍有有元聘君翰林待制
清碧先生杜公墓道碑孫圻字德基力學砥行仍居平
川顏其廬曰思紹堂洪武初授旣寧司訓遷温州教授
呂桂字文桂成公祖謙之後也自金華徙居武夷之星村
至元間由文學薦授劍浦教諭遷安溪令有廉惠聲

詹天麟字景仁崇安人武夷山長光祖之子也元延祐中
以文學辟用歷官浙江憲幕遷撫州總管與杜清碧董
仲達友善歸里築萬卷書樓於九曲之平川

孔克和克遜元死難崇安令孔楷之子衍聖公洙之孫也
以父塋將村之游嶺因入籍崇安卜居武夷又嘗建孔
子祠今其地名小孔林

明

藍仁字靜之世居武夷藍原師事杜本肆力學古以詩名
洪武初應徵辟爲武夷山長有藍山集

藍智字明之仁之弟也舉明經洪武時因薦授廣西按察

司僉事以清介著有藍澗集

陳省字孔震號幼溪長樂人嘉靖己未進士初擢御史世宗欲巡湯沐地計費萬億大臣不能阻省上疏力諫遂止歷楚巡撫以平寇功晉少司馬歸卜築於五曲雲窩居十餘年寄情詩酒游有士人題詩於五曲書院云紫陽書院對清波被壁殘碑許汝蘿頰凌陽鄰亭榭勝畫欄朱棋是雲窩公見而笑曰是其啟我乎即日修葺煥然一新著有武夷山志詠二卷

陳洙字百願號一水長樂人祖時憲湖廣僉事以抗璫死洙登嘉靖壬戌科出守襄陽築隄禦水饑倉賑饑著有

茂績尋督學滇中滇撫因地方多亂欲行芟蕪之令議
死者五百人洙察其寃夜叩轅門以官力爭之得免後
忤時相罷歸於武夷幔亭峯麓築一水草廬以居後起
用官至光祿卿

謝智字活水建安人十二而孤長齋至老嘗以種茶者言
武夷八曲之石崖有竅穴遂開洞以居人因其字呼爲
活水洞其師李中丞材題爲涵翠洞董少司空應舉有
記

朱副都漣隆慶間宰崇安嘗建觀復堂於武夷宮詳官守
傳

丘雲霄字凌漢一字子上崇安人以明經爲柳城令治先
教化士民誦之引年歸結廬於武夷止止庵側自號止
山隆慶中修崇邑志著有止止集十六卷錢虞山列朝
詩選小傳以爲輯武夷志誤也

吳正理字子明號竹窻新安人爲詩有逸致善行草書不
求開達萬曆間築室於六曲之小桃源優游以老人家
卜塋於三仰峯麓

吳世濟字若容崇安人萬曆間茂才築山房於鐵板嶂胡
中丞廷宴嘗爲之記

彭維藩字汝人號嵩岳崇安人萬曆甲午孝廉宰高安遷

思明郡丞俱有善政嘗於八曲涵翠洞之左建亭曰友竹

李時興字將甫號念劬閩縣人萬曆乙卯孝廉投樂會令陞肇慶同知俱以清介聞丁艱歸築室於五曲雲窩題曰枕肱居服闋補臨江尋守袁州時城遭獻賊殘破力圖修復清苦自奉日市七茹爲膳民號七茹太守乙酉八月盡節於萍鄉公署冠帶自經一僕隨同死萍民棄塋之先是遺諸子書云袁城旦暮不保我必殉國蓋矢死靡他從容就義者也子四人季鍾翰字劍士黃漳浦用爲裨將戰歿長鍾鼎後更名卷奉其遺骨塋於六曲

武夷山志

卷之十七

仙掌峯下卷詳隱逸傳

黃世忠字屏周崇安人萬曆戊午舉人歷官慶遠太守以廉明著又嘗平蠻寇粵人德之解組歸撫軍張公肯堂以人才薦尋際滄桑遂居於武夷長爲遺民以沒世黃漳浦嘗有題屏周八曲山居詩其址今不可考或以爲在鼓樓坑潮音洞云祖嘉賓嘉靖己未進士歷官戶部主事入鄉賢

徐表然字德望崇安人隱居不仕嘗築別業於二曲仙榜巖頂有漱藝山坊凝道館舒雲亭今皆廢編有武夷山志

藍潤彩字素先崇安諸生性至孝嘗於武夷更衣臺築崑
石山房奉孀母楊氏居之色餐備至楊臨終謂之日吾
族貧不能葬者凡十三喪汝爲經紀之潤彩一一營葬
卒成母命母茹素遂終身不忍食肉

游鑣字孟馭龍溪人明末携家入武夷築室於晚對峯之
麓日半石居性坦易與物無忤精於茶理一嘗則採摘
時陰晴及其旁花木悉能辨之彷彿蔡忠惠之別石巖
云

國朝

徐昌字燕及崇安人順治十二年以歲薦任莆田訓導丁

正東山志卷之十七
艱服闋或勸之補泣曰吾以升斗祿養親今弗逮矣奚補爲遂築室武夷以老遠近多受業者

吳應聘字賓于號丹崖崇安人順治辛丑恩貢家近武夷築室於八曲之煙際石居恒愛徒課子畧于世故入其門但聞弦誦之聲時論高之

潘錦字綱章號就亭初父球由浙江仁和入籍崇安曾築室於玉華峯麓康熙戊辰進士爲曲沃令有聲博學多才長於詩得風人之旨晉銓曹擢吏科都諫晉銀臺嘗作懷別業詩寄歸子廷偉甲午孝廉淮寧令廷雲明經王復禮號草堂錢塘人文成公後裔也嘗築蘭亭孤山二

志寓武夷白督學楊公篤生巡道陳公廷統命崇令王
公梓移建文成公祠于冲佑觀前後結廬于大王峯下
曰武夷山莊爲文記之山莊諸景和朱子韻十六首編
有武夷山志

董茂勲字堯如號偉菴崇安人雍正乙巳歲薦授惠安司
鐸廣川公裔胙衍樂安祖仲達元季偕杜清碧遊學崇
安卜居平川偉菴克承家學於接笋峯前築留雲書屋
爲藏修之所李相國安溪公過其廬錫以記文胞弟一
勲字宜如崇岸生於三教峯前笋洲上構室數椽顏其
亭曰一川風月兄弟怡怡垂老同居人稱難兄難弟云

男天工留雲書屋後建望仙樓

隱逸

(宋)

詹先野字景舒崇安人經史百家歷覽無遺天聖四年領鄉薦繼應賢良科後竟不仕隱武夷原江之濱日嘯咏山水間人望之猶神仙然

熊蕃字叔茂建陽人能文工詩不應制舉築獨善堂於武夷八曲號獨善先生性嗜茶著茶錄數篇及製茶十咏又有文稿三卷傳世子克字子復弱冠登紹興進士累官直學士嘗奏言備邊足兵事宜帝嘉之尋出知台州奉祠不走杜門蕭然著帝王經譜諸子精華等書

劉甫字嶽卿崇安人將軍衡子也事親至孝隱武夷水簾
洞劉忠肅公珙將奏以官辭焉朱文公蔡西山嘗過其
廬講求義理不及利祿嘗約文公構遊仙館爲佚老計
未幾卒文公哭以詩曰曾說幽棲地君家近接連欲攜
邀月酒同權釣魚船遽爾悲聞笛直成歎絕絃林猿催
老泪爲汝一潸然

劉學箕字習之從仕郎坪子也性豪邁博學工詩結廬南
山下顏其堂日方是閉蓄一小舟往來九曲酒酣吟嘯
自如或勸之仕不答有方是閉集四卷

趙必漣字仲連宋宗室也居崇安少刻苦讀書理宗開慶

間以父崇堦南恩守澤當補官辭不受自號山泉翁築
室於武夷山北之白崖植梅數百株日梅花莊與弟若
樾觴咏其中若樾字自木號霽山咸淳末進士入元不
仕亦以詩名俱有集

詹琦字景韓崇安人宋末隱居不仕與同邑徐幾爲山水
友同築靜可書堂於九曲幾稱其孝弟忠信展矣金石
君子也有滄浪詩集一卷

元

彭炳字元亮崇安人嘗遊齊秦都下與文人才士爲伍尤
與昌平隱士何得之善駙馬烏谷孫以師禮事之朝野

始知其經學至正十一年徵爲端本堂說書不赴隱居
武夷時稱武夷聘君爲詩效陶柳存集一卷

明

吳中立字公度號景山浦城人隆慶辛未進士疏請歸養
父歿服闋應就選喟然曰古人爲親而祿今祿不逮親
矣遂絕意仕進入武夷結廬於杜葛巖日養恬菴以著
述爲事山陰張侍讀元忬嘗造訪之諷以仕不出侍御
楊四知冢宰楊巍俱疏上其清修乞加榮寵特授禮部
主事待次萬曆壬辰陞尙寶司丞報至已逝所著有湯
銓學庸大旨道德經註等書

支永昌字紹先北平人崇正間以孝廉官蜀中刺史鼎革後棄官入武夷隱居涵翠洞以老壑天壺峯下

李韓字去華號韋菴崇安人天啟元年思選入南雍爲學履道有先正遺風不汲汲於祿仕晚授福州教授改革後棲止更衣臺年近七旬猶於燈下註東萊博議皆蠅頭小楷有和林君復山居詩人以靖節擬之著易導史遺四書箴言諸書

國朝

李如龍字虎友崇安人性豪邁喜說劍因亂棄子於隱武夷碧霄洞種蔬自給逮老披讀不倦有假我軒自耕堂

集

王彛字子懿明末崇安廩生性孤介詩文亦峭刻不諧於俗嘗讀書八曲龍吟庵手不釋卷歲時放廢鶉衣葛巾以終老著有亭釜篇數卷又古樂府及梅花詩數十首李卷字懷之闕縣人明殉難袁州太守時與之子初名鍾馮字磊英一字佩士曾官中書舍人喪家從軍後隱居五曲茶洞築室曰煮霞居採茗自活以高躡終者有尚友書始留草武夷山志俱未行世

丘四可字無可崇安人性敏博學孤行矯俗明末餽於庠尋自罷棄隱居山北杜葛巖閉門著述有河洛辨五經

辨難支言等書

周弁字載侏崇安康熙癸卯孝廉少年登科耿逆飛檄不屈迹跡武夷山中嘯歌暢志

張蚩出明季寓武夷冲佑觀偉幹修髯能詩善書旋居虎嘯廿餘載卒年九十五塋一曲會真觀左康熙初有子來尋蚩不相認人終莫識其真姓名或曰山東人或曰

江南人但有傳爲萬曆間進士曾任西邊總制避魏黨

而逃隱武夷云有遶遶吟虎嘯巖稿未刊行世

王志塋接笋下

徐弘禧字錫予建陽人少喪母事父以孝稱及明季亂不圖仕進散家財於閭里隱處接笋峯頂爲三隱臺羽士

置田塑像年七十七預知死期無病而逝

顧尾字子燦杭州人善詩及書書宗董文敏依友何方伯入闕構問松堂於下城皋居焉嘗月夜携琴邀友汎舟中流逸致可想年六十七卒

周士芳別名宗懷會稽人善書工詩文乾隆三年同程明府運青來崇遊武夷到天遊觀頓萌道心隱居不出絕葷腥旋結茅於碧霄洞不食鹽不吃茶趺坐不寢幾能辟穀養精貫頂童顏黑髮乾隆十五年坐化於碧霄洞
塋天遊門口天中洞內

節烈

國朝

謝氏崇安故民謝琳女稟生藍繡妻也順治九年避亂於
武夷八曲鼓子峯爲賊所掠欲驅之下山氏抱睥兒奮
身投崖死時年二十有八初氏謂繡曰賊豈能辱我獨
憐此襁褓中物爲我殉耳蓋之死靡他矢志已定至是
而從容就義如此繡爲文祭之辭甚悲慘遺一子繡終
身不娶

楊氏崇安諸生藍新妻也年二十守節事病姑以孝聞撫
幼子潤彩教育兼至卒使文行有成爲名諸生居五曲

更衣臺六寸載懿德貞操山中人至今能道之子潤彩
別有傳詳上案

丁氏名赤姐星村民張辰顯妻也順治十三年寇掠星村
氏赴曲水自盡同時顯兄辰皓妻胡烏姐縊於家

吳氏將村里人童公貴妻順治丙申避亂于樓閣巖上賊
至其夫受傷遂投崖而卒樞尚停崖下歷數十年公貴
再娶生子棄置不顧王州堂白之縣令陸公廷燦始得
安葬

武夷山志卷之十七終

補遺

各賢已從各志採集分類備刑茲後查有爵里者補刑于左集中更有未聞尙俟博雅君子郵知再補云

宋

詹瑛夫

字美中崇安人南宋隱士

邱

宥

南宋臨寧人與文公同榜

元

張之翰

字西巖邯鄲人

史約房

四川人

明

陳觀

洪武時臨寧人辛未進士官刑部主事

葉俊

洪武初年福寧州人

馮回

字景淵洪武時福寧州人

張智

字立畧建陽人博學工文詞洪武中以薦舉官至禮部侍郎

胡淡

字源潔武進人建文庚辰進士官禮部尚書

葉銘

明初建安人

趙麟

永樂間崇安令邑志未詳

楊仕侗

建安人文敏公榮之孫天順丁丑進士官無爲知州

許天錫

字啟衷閩縣人弘治癸丑進士官都諫劾逆瑾遭矯旨逮斃嘉靖十九年追賜祭葬

游璉

字世重連江人正德辛未進士官廣東按察副使有少石稿

周愷

貴溪人嘉靖間崇安廣文

方一蘭

字西臯蒲田人嘉靖癸未進士官禮部員外著少微堂集

鄭綱 福州府懷安縣人嘉靖丙戌進士官嘉興太守

歐陽清 號冲菴上饒人嘉靖壬辰進士官四川叅政

黃宗器 福州人嘉靖乙未進士官湖廣兵備副使

蕭廩 萬安人嘉靖乙丑進士官撫秦有異政

汪天寵 字海岳隆慶時徽州人

李得陽 字景渠廣德人萬曆間闕副使

吳萬全 福州人萬曆癸酉舉人潮陽令

蕪茂相 字弘家晉江人萬曆壬辰進士官刑部尙書

趙善政 涇縣人萬曆間福建恤刑郎中廣東兵備副使

胡廷晏 字瞻明名寓漳浦人萬曆乙未進士官至陝西

王士昌 字斗溟 新建人 萬曆丙戌廷士官福建巡撫

劉 晃 江右孝廉 萬曆間崇安廣文

江維楨 崇安人 萬曆間諸生

安如邨 字厚父 崇安人 萬曆間諸生

楚和叔 萬曆間山中羽士

吳國瑜 號石巖 桐城人 崇正間漳州司李

章 袞 臨川人 明進士 以御史調建寧司李

玉蝶仙 不知何許人也 題詩于水簾洞中 粉壁署曰崇正
癸酉冬日玉蝶題

劉 濟 字應徐 崇安人工詩 與趙必漣兄弟爲友 宋時人

林世吉 字天迪 閩縣人 以父宗伯嫌齋官戶部員外郎

安國任

字惟降崇安文學

卓思茂

字有見莆田諸生

林熙

字仲雍鉅鹿人

費元祿

字無學銘山人有甲秀園集

謝宗可

金陵人有咏物詩百篇傳於世

何其漁

字樵仲邵武建寧人

張鳳翼

崇安人

康萬駒

字駿公邵陽人

李永錫

字開文松江人

崔崧

字殿生號五竺寧德諸生

錢行道

字叔達吳興人少負文藻苦吟好客晚歲薙髮名廣潤字等慈與程嘉燧孟陽唱和甚多

袁庭

字籽楚龍溪諸生有舍南集梁太史佩蘭爲選刻

國朝

甯秉謙

字六皆號羅峯邵陽人康熙丙戌進士

阮蔡文

字子章新喻人祖籍漳浦康熙庚午孝廉有詩集

丁灝

號勗菴杭州人僑寓白門工古文辭康熙庚辰年來遊

彭演

字艾菴番禺人官蒼梧道丁亥年來武夷

林日晷

號義師本姓柯龍溪人歲薦任建陽教諭

林邵楷

號哲齋永春人崇安教諭

錢汝時

字溥宜松江人

何詩 號二閣任福寧州學漳州詔安人

梁鶴 自號龍虎山人

方珽 莆田諸生

劉子偉 字心傳孝感人康熙乙酉遊武夷

錢世美 號予懷山陰鑑湖人崇安捕廳

胡炎 字農師號粟安桐城人

李鐸 字振道隴西人

林霍 字子護同安人

鄭恭 字謙六候官諸生

潘深 字惟安桐城人康熙庚寅至武夷

李越 字毓山懷寧人 康熙年 至武夷

張溥儒 字雨若涇陽人 康熙乙丑拔貢

樂灝 字塊然臨川人 太學生 丙戌年 至武夷

吳擴 字子克崑山人 布衣 有長吟閣貞素堂等集

陳遜 字鴻節閩縣人

倪捷 字惟一晉江人

陸廷炯 嘉定人

裏雲龍 字肥菴崇安人 順治庚子武進士

李紹驥 字天閑崇安人 康熙甲子 孝廉任山西祁縣令

饒澤殷 字毓祥號梅村崇安諸生 著有鑑要七言歌

裴集成

字師大崇邑明經子建侯炳儀邑明經炳儀邑諸生炳修乾隆戊辰進士任南宮令

劉秉鎬

字振官崇安人雍正己酉歲薦

邱光晉

字昌文崇安諸生

劉秉鐸

字振木崇安人康熙癸巳恩貢

童希啓

字哲人崇安人康熙庚子孝廉初任奉新令再任峽江令丁艱服闋任麗水令

暨用其

字琴友崇安人雍正丙午孝廉豫修崇安縣志署新城令題授新喻令子憲邦辛酉選拔

董天策

字文崇邑廩生應乾隆丁巳正貢臨考而卒

董天錫

字公純崇安人雍正丁未歲薦任寧洋司訓年老致仕邑侯延飲鄉大賓

邱大春

字越千崇邑明經任天津鹽大使

彭雄飛

字士升崇安人康熙乙亥歲薦

盧江字殷九崇邑諸生

邱華嶽字蓮山崇邑廩生

吳桐字百尺崇邑廩生

吳亦璘字士奇崇邑諸生

吳來聘字觀六崇邑諸生

徐形求字丙奎建陽諸生

藍振綱字亨臣崇邑諸生

裏槐林字又庭崇邑諸生

朱珽字良玉崇邑諸生

吳崧字可式崇邑諸生